

Wann dien COVID-19 Test positiew es ooda wann du denkst daut du met wäm toopjewast best dee COVID-19 haft, mutst du die selfst aufsondren.



Selfst – Aufsondrunk meent tus bliewen un nich met aundre Menschen Kontakt too han doamet de Krankheit väätoobieejen jeit.

Du sust blos en Notfaul dien Tus veloten ooda aundre Menschen seenen. Wäärent diene Selfst – Aufsondrunk sust du::

- BLIEW TUS (go nich no Oabeit, School ooda aundre auljemeena Plaza)
- BEJRENTZ WOO VÄL JAST EN DIEN HUS SENNT (lod kjeene Jast en toom spazieeren; blos dee waut du mutst seenen, soo aus dee waut daut Ätwa bringen)
- HAB KJEEN KONTAKT MET AUNDRE (bliew en eene aundre Stow, wajch von dee en dien Heim; bruck auleen eene Bodstow)
- BRUCK EENE LOA
- HOOL STRAKJ (bliew ema 2 Meeta wajch von Aundre)
- BEDAKJ DIEN HOOSTEN & PRUSTEN
- WAUSCH DIENE HÄNG

Woo lang mutt ekj en dee Selfst – Aufsondrunk bliewen?

Wann 'Public Health' die aunroopt woaren dee die sajen woo lang du en Selfst – Aufsondrunk bliewen mutst. Jeweenlich es daut 14 Doag.

Waut wan ekj Froagen ha äwa COVID-19?


Southwestern Public Health es june baste Stääd von COVID-19 uttoofingen. Foont an: 1-800-922-0096 ext. 9.

Stunden:


Mondach – Friedach 8:00am - 5:00pm

Sinowent – Sindach 8:30am - 4:30pm

<https://www.swpublichealth.ca>



Eene Rachtschnua COVID-19 Too Vestonen



Waut es COVID-19?

Coronavirus Krankheit (COVID-19) es eene aunstekjende Krankheit ve'uasakt von eene fresche Sort Coronavirus.

De mieeschte Menschen aunjestekt met de COVID-19 Virus woaren lind bat mässje Schwierichkeiten han met Odmen dee nich besondere Behaundlunk bederftich es. De COVID-19 Virus spreet sikj derch kjliene Woata Lakjsjes dee sik vespreeden wan een enzinda Mensch hoost ooda prust.

Woo woat fa COVID-19 jetest?

Fa COVID-19 testen beschitst onse ellera Lied un onse Nobaschoft. Daut es de eensja Wajch daut too bestimmen wan wää COVID-19 haft.


Een Dokta ooda een aundra utjelieeda Helpa woat dien Kopp no hinjen biejen un eenen dennen Stock met Boomwoll op Enj en diene Näs stääkjen un een Bätkje von daut Benaschte ruttooweschen. Dee Test es ommaklich oba deit nich wee. Daut feelt sik soo aus wan eena em Schwamwota nen hupst en kjricht de Näs voll Wota. De Test dieet blos een poa Zekunden. Dan woat daut Stockje vedicht un no eene Unjasäkjungsstäd jeschekjt un unjasocht.

Wuarom sull ekj mie fa COVID-19 testen loten?

Testen es de eenselja Wajch um to weeten auf du COVID-19 hast. Weeten auf du daut hast es wichtich diene Famielje un dee rom die to beschitzen.

Du sust die loten testen wan du:

- denkst daut du daut veleicht hast
- best met aundre toop jewast de COVID-19 han



Du woascht veleicht jetest woaren ea du dien Bäbe hast. Toom Biespel: wan du woascht eenen Kjeisaschnett han ooda die woaren dee Jeburtweedoagen bedreift. COVID-19 testen beschitst de Pazienten un uk dee waut an besorjen. Pazienten dee dän Virus han, ooba han fleicht kjeene Tieekjens doa von, kjennen daut too Aundre vespreeden. Wie wellen die un dien Bäbe secha un jesunt hoolen.



Woo kjrie ekj mien Test Utfaul?

No dien Test woat de Dokta ooda de Nurs die eene Koat met Information jäwen. Doa es een 'Website' wua du kaust dien Utfaul 'online' noseenen. Du mutst dien OHIP Numa reed han toom dien Utfaul derch daut 'website' notooseenen.

Een Jesuntheits Oabeida woat die weeten loten wan de Utfaul positiew es, aulso brukst du daut nich selst noseenen.

Woo lang dieet daut dän Utfaul too kjrieen?

Wiels doa so sea väl sent kaun daut bat 7 Doag dieren, oba jeeeenlich es daut bena 48 Stund.

Waut wan mien Test Utfaul positiew es?

Mieschte Menschen dee COVID-19 han woaren tus benna een poa Wääkj wada guans jesunt.

Wan dien Utfaul positiew es woat wää von Southwestern Public Health die aunroopen. Dee woaren die no Information froagen um uttoofingen met wäm du best toop jewast wärent de Tiet daut du äwaschlont wiescht, oodo wua du daut COVID-19 jekjrejen hast.

